



**Elin Jones AC, Llywydd**

Cynulliad Cenedlaethol Cymru

**Elin Jones AM, Presiding Officer**

National Assembly for Wales

Julie James AC, Y Gweinidog Tai a Llywodraeth Leol  
Kirsty Williams AC, Y Gweinidog Addysg  
Llywodraeth Cymru  
Bae Caerdydd  
CF99 1NA

08 Mawrth 2019

Annwyl Julie a Kirsty

Diolch am eich llythyr dyddiedig 30 Ionawr 2019. Fel y gwyddoch, rwyf bellach wedi cyflwyno'r Bil Senedd ac Etholiadau ar ran Comisiwn y Cynulliad. Mae hwn yn gam sylweddol ymlaen ac wrth i'r Bil fynd yn ei flaen, bydd Aelodau, rhanddeiliaid a'r cyhoedd yn disgwyl i ni esbonio a rhoi sicrwydd ein bod yn rhoi camau ar waith i sicrhau Pleidlais i bobl 16 oed yn 2021.

Fel y gwyddoch, mae'r amserlen yn dynn a bydd angen cynnal ymgyrch gofrestru yn ystod 2020, ac rwyf yn awyddus i ddeunyddiau fod ar gael i ysgolion erbyn mis Medi eleni. Mae swyddogion y Comisiwn yn barod i weithio'n gyflym â swyddogion y Llywodraeth i sicrhau bod y gwaith hwn yn cael ei gyflawni'n effeithiol.

Mewn ymateb i'r awgrymiadau yn eich llythyr:

### **Gwaith ymchwil**

Gwn fod ein timau o swyddogion eisoes wedi trafod hyn, felly mae'n dda gweld ei fod yn parhau i fod yn flaenoriaeth. Byddai diddordeb gennyf ddeall yr amserlenni ar gyfer cwblhau'r ymchwil. Gwn fod swyddogion wedi gohebu â'i gilydd a'u bod yn rhannu gwybodaeth ac ymchwil i lywio ein cynlluniau.

### **Adnoddau addysg**

Fel y gwyddoch, mae tîm Addysg ac Ymgysylltu â Phobl Ifanc y Cynulliad yn cael ei redeg

Croesewir gohebiaeth yn Gymraeg neu Saesneg / We welcome correspondence in Welsh or English

**Cynulliad Cenedlaethol Cymru**

Bae Caerdydd, Caerdydd, CF99 1NA

Llywydd@cynulliad.cymru

www.cynulliad.cymru

0300 200 7403

**National Assembly for Wales**

Cardiff Bay, Cardiff, CF99 1NA

Llywydd@assembly.wales

www.assembly.wales

0300 200 7403



**Elin Jones AC, Llywydd**

Cynulliad Cenedlaethol Cymru

**Elin Jones AM, Presiding Officer**

National Assembly for Wales

gan athrawon profiadol sydd eisoes yn ymgysylltu ag ysgolion, colegau a sefydliadau ieuenctid, gan roi cyflwyniadau a chynnal gweithdai mewn ysgolion a cholegau ledled Cymru. Mae hyn yn cynnwys hyfforddiant i athrawon ac adnoddau addysg i fodloni gofynion y Fframwaith ABCh, Bagloriaeth Cymru a'r cwrs Safon Uwch Llywodraeth a Gwleidyddiaeth.

I gyd-fynd â chyflwyno'r Bil Senedd ac Etholiadau, mae'r tîm wedi datblygu adnoddau ar-lein i gynghorau ysgol, athrawon a gweithwyr ieuenctid eu defnyddio i drafod gostwng yr oedran pleidleisio ar gyfer etholiadau'r Cynulliad i 16 oed. Mae'r rhain ar gael ar y platform [Hwb](#).

Rwyf hefyd yn nodi ac yn cytuno â'ch pwynt bod angen i'r negeseuon a nodir yn y deunyddiau addysgol, ac yn ehangach mewn ymgyrch cyfathrebu, adlewyrchu'r cynigion gwahanol a nodir yn y ddeddfwriaeth. Bydd angen addasu'r negeseuon yn ôl y cylch etholiadol i dynnu sylw at yr etholiadau perthnasol sydd i ddod. I'r perwyl hwn, byddai'n ddefnyddiol pe baem yn cytuno i gydweithio ar y gwaith o ddatblygu negeseuon a naratifau cyffredin.

## **Adnoddau**

Wrth gyflawni'r gwaith hwn, mae Comisiwn y Cynulliad yn fodlon ystyried sicrhau bod adnoddau ar gael.

Gan fod holl gyllid Comisiwn y Cynulliad yn dod yn uniongyrchol o Gronfa Gyfunol Cymru, ni fyddwn yn ystyried ei fod yn briodol i'r Comisiwn ariannu Llywodraeth Cymru yn uniongyrchol. Fodd bynnag, mae'r Comisiwn wedi pennu cyllideb o £150,000 yn y Memorandwm Esboniadol sy'n cyd-fynd â'r Bil, ar gyfer hyrwyddo a chodi ymwybyddiaeth. Byddwn yn barod i drafod rheoli'r gyllideb hon mewn modd sy'n gyson â dull ar y cyd y cytunwyd arno.

Yn ogystal, byddwn yn rhagweld ein tîm addysg yn gwneud cyfraniad sylweddol at y gwaith o gynllunio'r ffrwd waith hon trwy e gyngor a chymorth arbenigol i sicrhau ein bod yn gwneud y defnydd gorau o'n hadnoddau.

## **Bwrdd allanol**

Gwnaethoch ofyn am fy awgrymiadau ar gyfer y bwrdd rhanddeiliaid.

Byddwn yn awgrymu y dylai hyn gynnwys sefydliadau sector cyhoeddus sy'n cynrychioli'r gymuned etholiadol a phobl ifanc, gan gynnwys:

- Y Comisiwn Etholiadol



**Elin Jones AC, Llywydd**

Cynulliad Cenedlaethol Cymru

**Elin Jones AM, Presiding Officer**

National Assembly for Wales

- Bwrdd Cydlynu Etholiadol Cymru
- Cymdeithas Swyddogion Cofrestru Etholiadol
- Cymdeithas Llywodraeth Leol Cymru
- Y Comisiynydd Plant

Byddwn hefyd yn awgrymu cynnwys rhanddeiliaid eraill o'r sector etholiadol a'r sector ieuencid, a hynny mewn capasiti ymgynghorol. Gall y rhain gynnwys Cymdeithas Diwygio Etholiadol Cymru, Bite the Ballot, Comisiynydd Cenedlaethau'r Dyfodol a chynrychiolwyr sefydliadau ieuencid sy'n aelodau o grŵp Llywio Senedd Ieuencid Cymru.

Byddwn yn awgrymu bod ein swyddogion yn cyfarfod i drafod manylion y cynigion hyn ac i archwilio ymhellach y math o gefnogaeth y byddech yn ei disgwyl gan swyddogion Comisiwn y Cynulliad ar gyfer Bwrdd Llywodraeth Cymru er mwyn sefydlu'r Bwrdd Allanol cyn gynted ag y bo modd.

Yn gywir

Elin Jones AC  
Llywydd